

Стихири Пасхи. Глас 5

Стих: Да воскреснет Бог, и расточатся врази Его.

Пасха священная нам днесь показася, Пасха нова святая, Пасха таинственная, Пасха всечестная, Пасха Христос Избавитель, Пасха непорочная, Пасха великая, Пасха верных, Пасха двери райския нам отверзающая, Пасха всех освящающая верных.

Стих: Яко исчезает дым, да исчезнут.

Приидите от видения жени благовестницы, и Сиону рците: прими от нас радости благовещения, Воскресения Христова: красуйся, ликуй и радуйся, Иерусалиме, Царя Христа узрив из гроба, яко жениха происходяща.

Стих: Тако да погибнуть грешници от лица Божия, а праведници да возвеселятся.

Мирносице жени, утру глубокую, представша гробу Живодавца, обротоша Ангела на камени сидяща, и той провещав им сице глаголаше: что ищите Живого с мертвыми? Что плачете Нетленного во тли? Шедше проповедите учеником Его.

Стих: Сей день, егже сотвори Господь, возрадуемся и возвеселимся вонь.

Пасха красная, Пасха, Господня Пасха, Пасха всечестная нам возсия. Пасха, радостью друг друга обьемем. О Пасха! Избавление скорби, ибо из гроба днесь яко от чертога возсияв Христос, жени радости исполни глаголя: проповедите апостолом.

Слава и ныне, глас 5: Воскресения день, и просветимся торжеством, и друг друга обьемем. Рцем братие, и ненавидящим нас, простим вся Воскресением, и тако возопиим: Христос воскрес из мертвых, смертью смерть поправ, и сущим во гробех живот даровав.